



Lêerno.: 3/3/3/2
Verwysing: 20240726-5477

Strategiese Mensbestuursminuut: 0009/2024

Aan: Adjunk-direkteurs-generaal, Hoofdirekteure, Direkteure, Hoofonderwyskundiges, Hoofde: Kurrikulumondersteuning, Kringbestuurders, Hoofde: Bestuur en Beheer, Adjunk-hoofonderwyskundiges, Assesserings- en Eksamenkoördineerders, Vakadviseurs, en Prinsipale

Onderwerp: Distriksgebaseerde Funza Lushaka-beurse vir studente in die Wes-Kaap vir 2025

1. Die Wes-Kaap Onderwysdepartement (WKOD) wil Graad 12-leerders, Premier se Program vir die Bevordering van die Jeug (PBJ) en leerders van alle skole wat belangstel om 'n formele onderwyskwalifikasie te verwerf, in kennis stel dat 66 buitengewone distriksgebaseerde Funza Lushaka-beurse vir die 2025-akademiese jaar beskikbaar is.
2. Die Departement van Basiese Onderwys (DBO) se Funza Lushaka-beursskema voorsien leerders wat uitstekend presteer van 'n volkoste beurs wat klasgelde, verblyf met maaltye, 'n handboektoelaag, notas en laboratoriumgelde (waar van toepassing) dek, sowel as 'n maandelikse toelae om basiese lewenskoste te dek.
3. Die Funza Lushaka-beursskema is 'n meerjarige program wat in 2007 van stapel gestuur is om onderrig in openbare skole as beroepskeuse vir bekwame en toegewyde Suid-Afrikaners te bevorder. Die program word plaaslik by die Universiteit van Wes-Kaapland, Universiteit Stellenbosch en die Kaapse Skiereiland Universiteit van Tegnologie bestuur.
4. In 2012 het die DBO 'n distriksgebaseerde werwingsprogram bekendgestel met die fokus op leerders vanuit arm gemeenskappe (leerders by skole wat geen skoolgelde hef nie of leerders wat van die betaling van skoolgeld kwytgeskeld is) om hulle te help om toegang tot die Funza Lushaka-beursskema te verkry. **Die beurse sal slegs toegeken word aan studente wat bereid is om by skole in landelike gebiede onderrig te gee, met inagneming van die behoeftes van landelike distrikte in die Wes-Kaap.**

5. Die toekenning van 'n Funza Lushaka-beurs is onderhewig aan die volgende voorwaardes:
- (a) Die program sal studente wat in die volgende rigtings wil spesialiseer, finansier:
 - (i) **BEd Grondslagfase, met spesialisering** in Tale (Xhosa, Sesotho, Afrikaans), Kodering en Robotika, Braille, Suid-Afrikaanse Gebaretaal en Neuro-ontwikkelingsbehoefte.
 - (ii) **BEd Intermediêre Fase, met spesialisering** in Wiskunde, Natuurwetenskappe en Tegnologie, Braille, Kodering en Robotika, Suid-Afrikaanse Gebaretaal en Neuro-ontwikkelingsbehoefte.
 - (iii) **BEd Senior Fase en Verdere Onderwys-en-Opleidingsfase, met spesialisering** in Wiskunde, Tegniëse Wiskunde en Wetenskap, Fisiese Wetenskappe, Landbouwetenskappe, Mariene Wetenskappe, Landboutegnologie, Siviele Tegnologie, Elektriese Tegnologie, Rekenaartoepassingstegnologie, Inligtingstegnologie, Meganiese Tegnologie, Ingenieursgrafika en -Ontwerp, Maritieme Ekonomie, Kodering en Robotika, Braille, Suid-Afrikaanse Gebaretaal en Neuro-ontwikkelingsbehoefte.
 - (b) Die beurs word vir een akademiese jaar op 'n slag toegeken, en met bewys van akademiese sukses kan dit jaarliks hernu word tot wanneer die ontvanger van die beurs as 'n opvoeder kwalifiseer. Daar sal van die beurshouer verwag word om jaarliks teen die einde van Oktober weer vir die volgende jaar aansoek te doen.
 - (c) Na afloop van die studiekursus sal van die beurshouer verwag word om by 'n skool in 'n landelike gebied onderrig te gee vir 'n tydperk van een jaar vir elke jaar wat hulle die beurs ontvang het.
6. Met inagneming van die sluitingsdatum van **Vrydag, 27 September 2024** moet voornemende aansoekers voorts by die onderskeie hoëronderrigsinrigtings (HOI's) om toelating aansoek doen, en aan die toelatingsvereistes van die verskeie HOI's, soos vermeld in paragraaf 3, voldoen. Gebaseer op die volgende minimum akademiese kriteria, sal die beurse op meriete deur die keuringskomitee by die WKOD se Hoofkantoor aanbeveel word:
- (a) 'n Slaagpunt in graad 12 wat toelating tot 'n Baccalaureusgraad verleen.
 - (b) Die aansoeker moes aansoek gedoen het om toelating tot 'n goedgekeurde BEd-gradprogram, met spesialisering in twee of meer van die prioriteitsareas.
 - (c) 'n Slaagpunt van 60% of meer in hul Huistaal, 50% of meer in hul Eerste Addisionele Taal en 'n slaagpunt van minstens 50% in die ander vier vakke.
 - (d) Studente wat in die Grondslagfase wil spesialiseer, moet Wiskunde of Wiskundige Geletterdheid op graad 12-vlak slaag.
 - (e) Studente wat graag in die onderrig van tegniëse vakke wil spesialiseer, moet 'n slaagsyfer in Wiskunde/Tegniëse Wiskunde en Fisiese Wetenskappe/Tegniëse Wetenskappe behaal.

7. Die sluitingsdatum vir aansoeke is **Vrydag, 27 September 2024**. Aansoekers moet aansoek doen deur die aanlyn aansoekvorm te voltooi deur die volgende e-kubed skakel wat deur DBE verskaf <https://www.surveymonkey.com/r/funzalushaka> en al die ondersteunende dokumente op te laai deur die skakel te gebruik.
8. Die volgende stawende dokumente moet ingedien word:
- Gewaarmerkte afskrif van identiteitsdokument
 - Gewaarmerkte afskrif van Nasionale Senior Sertifikaat **OF** graad 12-verslag vir Junie
 - Motivering oor hoekom jy 'n opvoeder wil word
 - Bewys van aansoek of aanvaarding by 'n HOI in die Wes-Kaap
 - Beëdigde verklaring of bewys van adres.
9. Die volgende persone mag aansoek doen:
- PBJ-vakleerlinge;
 - Graad 12-leerders;
 - Werklose Suid-Afrikaanse jeugdige onder 30 jaar;
 - Aansoekers wat goeie akademiese vermoëns toon
 - Aansoekers wat in die Wes-Kaap woonagtig is.

Bring asseblief die inhoud van hierdie minuut onder die aandag van alle Graad 12-leerders, PBJ-vakleerlinge en leerders by alle skole in die Wes-Kaap alleenlik.

GETEKEN: LJ ELY

ADJUNK-DIREKTEUR-GENERAAL: KORPORATIEWE DIENSTE

DATUM: 2024-08-01